

## Kokuni im Kòkkure Rekoot ko an EI

Rijipań eo an EI ej aikuj kokuni EI rekoot ko an ajri eo nejum ñan ñe iien kemem eo kein ruwatimjuon. Rijipań eo an EI ej maroń kaitoklok an kokuni rekoot ko an ajri eo nejum ján jońan ne mae iien kwōnaaj kajjitòk bwe ren kokkure rekoot ko ālikin an ajri eo nejum ruwatimjuon an iio.

EI ej maron kokuni wot ñan indeo rekoot in etan ajri eo nejum, raan in lotak, im melele ko kon kilen tōpar eok, etan rikōlaajrak jipań ro im rijipań ro rar jermal ippān baamle eo am, im melele ko ikijjien diwōjlok (ekoba iio eo im iio eo an ilo an diwōjlok, im jabdewōt būrookraam ko ear delońe ālkin an diwōjlok) ilo ejjelok juōn iien jemlok.

Ñan jipań ko relaplok kōn maroń ko am ikijjien rekoot ko an ajri eo nejum ilo EI, ennaane DCY ilo [ei@childrenandyouth.ohio.gov](mailto:ei@childrenandyouth.ohio.gov). Ñan jipań ko relaplok kōn FERPA, ennaane Wōpij In Loor Kakien An Baamle ak Family Compliance Office ilo Ra Eo An Jikin Jelālokjen ak U.S. Department of Education ilo 202-260-3887.

## Pukòt Mejlan Abnono Ko

Ñe ej wōr men ko kwōj jab errā kaki kōn jabdewōt ilo EI, ewōr wāween ko relōń ñan am pukot mejlaer. Wāween eo ej pidodo tata im mōkaj tata ej ñan jermal ippān būrookraam eo an EI ilo jukjukin pād eo ilo am jermal ippān Rikōlaajrak Jipań eo am ján EI ak manija eo ej koontrak ippān EI ilo bukwōn eo am ñan pukot mejlan men eo kwojjab errā kake.

Melele ko ñan tōpare Rikōlaajrak Jipań eo am ján EI ej pād ilo bok in. Pukot melele ko kōn ritol ro an būrookraam eo an EI ilo jukjukin pād eo ilo webjait eo an EI: [ohioearlyintervention.org](http://ohioearlyintervention.org).

Ñe kwōj kāālōt ñan jab jermal ippān būrookraam eo an EI ilo jukjukin pād eo, ennaane rijermal eo an EI ilo DCY ilo [ei@childrenandyouth.ohio.gov](mailto:ei@childrenandyouth.ohio.gov).

Kwōj maroń bael am abnōnō ippān DCY im kajjitòk ippān ñan etalie abnōnō eo, kojerbal bar juōn armej ñan kenono ilo etam, ak loor wāween aer maroń karòk iien ñan ronjake abnōnō eo am. Abnōnō eo am ej aikuj pad eltan peim ie im ilo jeje. Ej aikuj pad kōmelele eo kon ta eo ear walok im ta kakien ak maroń ko emōj rupe.

Abnōnō eo ej aikuj jilkinlok ñan:

Ohio Early Intervention  
Ohio Department of Children and Youth  
P.O.Box 183204  
Columbus, Ohio 43218

## Etale

Ñe kwōj kōnaan bwe DCY en etale abnōnō eo am, ra eo enaaj kajjitòk melele ko ján eok im Rijipań eo am jan EI, etale aolep melele ko rojelote, im kōmmane juōn jemlok ilo jeje ilowaan 60 raan im kalikkar ñe ear wor bōd ikijjien maroń ko am ak kakien ko an EI. Jemlok eo enaaj koba melele kōn ta eo DCY ear kōmmane im ta enaaj kōmmane ñan kajimwe jabdewot jorāan ko.

## Kojerbal juōn armej bwe en komadmōd abnōnō eo.

Kojerbal Mediation ak bar juōn armej ej am im an Rijipań eo an EI pepe. Ñe kwōj kōnaan kōjerbal Mediation ak bar juōn armej ñan kōmadmōd abnōnō eo im Rijipań eo an EI ej errā ñan bok kwonan, DCY enaj jitońe juōn mediator (armej eo enaj komadmod abnono eo) im ej maroń kōmmane jermal in im jab kalijeklok im enaj bok eddon buńtōn ko. DCY ej kōllāiki wōnāan mediator eo ak armej eo ej kōmadmōde abnōnō eo, im iien mediation ej aikuj kōmman ilo jikin ko im awa ko remman ñan aolep ro rej bōk kwońan.

## Ien ñan Rońjake Abnōnō eo

Juon iien rońjake abnōnō eo ej juon iien eo ej aikuj kijñeñe ilo loor ruul ko ñan kommane. Kwōj maroń kōjerbale juon loar ñan pinej-jenkwan, bōtaab ejjab mennin aikuj. Ilo iien rońjake in, juon wōpija eo an eddo jermal in rońjake eo im ejjelok an kalijeklok enaj etale abnono eo, rońjake aolep ro rej bok kwonaer, etale melele ko rar kakobaba, im lewaj ilo jeje pepe eo ilowaan 30 raan ján kar iien bōk abnōnō eo. DCY ej kōllāiki wōnāan wōpija eo an eddo iien rońjake eo im iien rońjake eo ej aikuj kōmman ilo jikin ko im awa ko remman ñan aolep ro rej bōk kwonaan.

Etal Ñan [ohioearlyintervention.org/federal-and-state-regulations](http://ohioearlyintervention.org/federal-and-state-regulations) ñan kolaplok am katak kon IDEA im kakien ko an būrookram eo an Ohio EI.

## Rikōlaajrak Jipań Eo Aō Ján EI:

### Melele ko ñan tōpare:



Department of  
Children & Youth

Mike DeWine, Governor  
State of Ohio

Kara B. Wentz, Director  
Department of Children and Youth  
(Rev. 07/2024)

Doulul in ej juōn jikin jermal eo ejjelok kalijeklok ilo aer rijipan im ri-kōjerbal armej.



# Maroń Ko An Pārōn



Department of  
Children & Youth

Help Me Grow Early Intervention

## Komelele ko Imaan

Pārōn ro an ajri ro ilo būrookraam in an Early Intervention (EI) ewōr aer maroñ ko rellōñ im kōjparok ko iumwin Kakien Eo An Jikin Jelālōkjen ikkijjien Juon eo Ewōr An Utamwe ak Individuals with Disabilities Education Act (IDEA).

Ra Eo An Ajri im Jodikdik Ilo Ohio ak The Ohio Department of Children and Youth (DCY) im ro mōttan ilo jukjukin pād eo rej ejaake kōkar ko an EI ilo Ohio im rej bōk eddon loloorjake maroñ ko im wāween kōjparok ko. Elōñ ian wāween kein rej bok jikier jekdoon ñe emōj loe ke ajri eo nejum ejjab maroñ bok jipañ jan EI.

Bok in enaaj lewaj melele ko ñan baamle eo am kōn maroñ kein im menin kōjparok ko barāinwōt da ko kwōn kōmmani ñe ewōr am jab errā ko kōn jabdewōt kake EI eo. Peba ko rej kōjerbali ilo EI rej kōmeleleiki maroñ kein im wāween kōjparok kein ilo elaplok melele. Nan kakobaba, Rikōlaajrak Jipañ eo am ilo EI enaaj barāinwōt kōmaleleiki men kein im uwaake jabdewōt kajjitōk ko ewor ippam.

## Kōjjelā Eo Moktalok im Mālim

Kwōnaaj lo melele ko kon jejjo makūtkūt im renaj iwoj jan doulul eo an EI mokta jan iien im ilo jeje. Menin ej naietan "kōjjelā eo mōktalok ilo jeje." Kōjjelā eo mōktalok ilo jeje ej lewaj iien ñan am kāālōt ñe kwōj kōnaan etal wōt kōn makūtkūt eo. Ñe kwōj kōnaan jinoe makūtkūt eo ilo iien eo emōkaj tata, kwōj maroñ jolok iien kōttar eo. Ālikin am kāālōte ñan etal wōt kōn makūtkūt ko, kwōnaaj lelok mālim eo am ilo jeje.

Mālim in ej naietan "consent." Kōmālim eo am ej am pepe im maroñ joloke ilo jabdewōt iien. Karōk eo an EI enaaj loloorjake bwe kajjitōk ko am kon jabdewōt makūtkūt ko rar maroñ uwaaki mokta jān am lelok mālim. Jouj im kajjitōk ippān Rikōlaajrak Jipañ eo am ilo EI ak jabdewōt eo ej jermal ippām kon jabdewōt kajjitōk ko ewōr ippam. Kōjjelā eo moktalok ilo jeje im mālim eo ej jelōte

- etale ko ikijjien eddeklok;
- kakōlkōl eo an ajri eo;
- etale ko an ajri eo im baamle eo;
- kalikkar an maroñ bok jipañ; im
- jinoe ak kōmman oktak ilo jipañ ko ilo Karōk Ko Ikijjien Jermalin Jipañ an Juon Baamle ak Individualized Family Service Plan (IFSP).

Kwōnaaj bōk kōjjelā ko moktalok ilo jeje jabdewōt iien juon jermalin jipañ ilo IFSP eo enaj jemlok ak am diwōjlok jān EI.

Ilo jet wāween ko enaaj jab wor kōjjelā ko moktalok ilo jeje. Mālim ej aikuj wot mokta jān an doulul eo an EI kadedelok jejjo makūtkūt ko.

Doulul eo an EI ej aikuj bōk mālim eo am mokta jān:

- leto letak melele ko kon baamle eo am ñan itulikim doulul eo an EI, ekoba taktō in ajri eo am;
- kōmmane juon kweilok kon pepe ko ñan kōmman oktak; ak
- kōjerbale injuren eo jān kien ak injuren eo am make ñan kōllāiki jermalin jipañ ko jan EI.

Elukkun aorōk ñan jelā ke juon jermalin kakōlkōl ej maroñ mennin aikuj ñan kalikkar an ajri eo nejum maroñ bok jipañ im ke jermalin etale eo an ajri eo nejum ej mennin aikuj mokta jen aer bok jipañ jan doulul eo an EI. Ñe kwōj jab lelok mālim ñan an ajri eo nejum kōmman jermalin etale eo ak juon jermalin kakōlkōl eo im ej mennin aikuj, innem ajri eo nejum ejjab maroñ bōk jipañ jen doulul eo an EI.

## Rekoot Ko An EI im Kōjparok Melele Ko Am

Kōnke ilo doulul eo an EI ewōr melele ko kon kwe im ajri eo nejum, ewōr am maroñ ko rojelot rekoot ko iumwin kōjparok an doulul eo an EI. Rekoot kein rej watok an EI rekoot kon ajri eo nejum im ekoba melele ko kon jermalin kakōlkōl ko im jermalin etale ko, melele ko kon ājmour eo an im rojelot an ajri eo nejum maroñ bok jipañ jan EI, jermalin jipañ ko ilo IFSP eo am, kape ko ak pepa ko jān EI im kwaar kanne im jaini, im melele ko ilo jeje kon kōnono ko ikōtaam im ro rej lewaj jermalin jipañ ko jan EI.

Elon am maroñ ko rojelot rekoot ko an baamle eo am ilo EI. Ainwōt ewōr am maroñ ñan:

- kajjitōk kape in rekoot ko an ajri eo nejum jen EI;
- Lale im etale EI rekoot ko an ajri eo nejum ilowaan 10 raan in kōlōnta eo jān iien kajjitōk eo am;
- kwomaron jitoñ juōn bwe en pinej jenkwom ñan etale im lale rEI ekoot ko and ajri eo nejum.
- bōk kōmelele ko im ukook ko kon EI rekoot ko an ajri eo nejum.
- bōk juon laajrakin in melele rot ko im jen jikin ko im rekoot ko an EI rej aini, kōjparoki ak kōjerbali;
- kajjitōk bwe rilewaj jermalin jipañ eo an EI en kōmman oktak ilo rekoot ko an ajri eo nejum; im
- bōk juon iien ekajet eo kōtaan pārōn eo im bukwōn eo an jikin jikuul eo kōn abnōnō ko ikkijjien jermalin jipañ ko rejenolok an ajri eo ñe rilewaj jermalin jipañ eo ej makoko in kōmman oktak jidik ko ñan rekoot ko an ajri eo nejum.

Kwōnaaj bōk (ilo ejjelok wōnāān) juon kape in pepe eo ñan maroñ bok jipañ ilowaan 5 raan ñan iien kōmman makūtkūt eo, im IFSP eo ilowaan 10 raan ālikin kajjojo kweilok ko an IFSP. Enaaj ejjelok wōnāān am bōk EI rekoot ko am; bōtaab, rilewaj jermalin jipañ eo am ej maroñ lewaj wōnāān kōmman kape in EI rekoot ko ñan eok elaññe muri eo ejjab kapōjrak eok jān am kojermal maroñ eo am ñan etale im lale rekoot ko.

Kōnke melele ko am ilo EI rekoot ko rej aikuj itino, armej ro rej jermal ilo doulul eo an EI rej maroñ deloñe melele kein innem rej aikuj dabiji aer pad wot ilo itino. Wōpij ko im rej kōjparok EI rekoot ko kon baamle eo am ej aikuj wor juon laajrakin melele rot ko im jikin ko rej ae EI rekoot kein jeni im kojparoke. Armej ro ilo doulul eo an EI im ewōr aer maron deloñi EI rekoot ko am rej maroñ kwalok melele ko ñan kwalok kajjom ak Personally Identifiable Information (PII) ñan ro jet rej jermal ilo doulul eo an EI im ñan wōt kaitoklok jipañ ko ekkar ñan aikuj jan rijipañ eo an EI ñan baamle eo am. Ñe kwōj kōnaan leto letak PII eo am ñan tulikin doulul eo an EI, kwōj aikuj lelok mālim eo am.

Bōtaab, Kakien eo an Family Educational Rights and Privacy Act of 1974 (FERPA) ej kōtlok an eo ej lewaj jermalin jipañ ko an EI ñan kwe ñan an kwalok PII ilo an ejjelok mālim jān pārōn ilo jet wāween ko. Wāween kein rekoba:

- kōjjelā ko rej mennin aikuj jen IDEA ñan bukwōn in jikin jikuul eo am im ra eo an jelālōkjen an state eo. Melele ko remaroñ lilok rej kilen topar eok, etan ajri eo nejum im raan in lotak eo an;
- doulul ko rej kōmman katak ko ñan, ak ilo etan, wōpij ko an jikin jelālōkjen im doulul ko kon wūnin ejaak, kamoool, ak lelok teej ko ikijjien Kapeel ko, lelok būrookraam in jeen in jipañ ñan rijikuul eo, ak kōkmanlok katak ko;
- jabdewōt jikin ko ak armej emōj jitoñ er jān Comptroller General eo an Amerika, Attorney General eo an Amerika, Jekretari eo an Jikin Jelālōkjen, ak state ak local wōpij ko an jelālōkjen ñan kōmman jermalin bonbon ko, etale, aer loor kakien, ak kōmman makūtkūt ko ñan kōjparok kakien ko ilo kautiej wāween ko rej aikuj kōmmane ikijjien kōjparok kakien ko an kien eo iolap ak būrookraam ko an jelālōkjen im state eo ej jipane juōn eo ej caseworker ak juon eo ej jermal ikijjien state eo ak wōpij eo an welfare an ajri ne armej ne ej an eddo ekkar ñan kakien ñan lale im kōjparoke ajri eo; im
- jikin ekajet eo ej uwaak ñan kūr ñan jikin ekajet ak kōmman otar jen jikin ekajet.

Ñe juon eo ej pād tulikin doulul eo an EI im emaron deloñe EI rekoot eo am, wōpij eo kōjparok rekoot eo ej aikuj likit melele ko ilo jeje kon wōn eo ear deloñe rekoot ko, ñāāt, im kon ta wūnin.